



- Vijeće fakulteta-

Broj: 01/6-2626/23-2

Sarajevo, 31.08.2023.godine

ZAPISNIK

SA XVII. REDOVNE SJEDNICE VIJEĆA ŠUMARSKOG FAKULTETA U SARAJEVU ODRŽANE 31.08.2023. GODINE SA POČETKOM U 14:00 SATI

Prisutni članovi: (pozvani putem e-maila): Prof.dr Ahmet Lojo, prof.dr Zahida Ademović, prof.dr Mersudin Avdibegović, prof.dr Muhamed Bajrić, prof.dr Besim Balić, prof.dr Neđad Bašić, prof.dr Faruk Bogunić, prof.dr Jusuf Musić, prof.dr Fatima Pustahija, prof.dr Dževada Sokolović, prof.dr Sabina Delić, prof.dr Aida Ibrahimspahić, prof.dr Tarik Trešić, prof.dr Osman Mujezinović, prof.dr Sead Ivojević, prof.dr Sead Vojniković, doc.dr Admir Avdagić, doc.dr Dino Hadžidervišagić, doc. dr Jelena Knežević, prof.dr Alma Hajrudinović-Bogunić, mr. Prljača Damir, predstavnik nenastavnog osoblja Emina Uzunović, predstavnica studenata Selma Husejnović.

Odsutni članovi: prof.dr Dalibor Ballian, prof.dr Azra Čabaravdić-opravdano odsutna, prof.dr Velid Halilović-opravdano odsutan, prof.dr Ćemal Višnjjić, mr. Ismet Fazlić-opravdano odsutan, doc.dr Dženan Bećirović-opravdano odsutan, mr. Amila Brajić-opravdano odsutna, Erdal Brutus-predstavnik studenata-opravdano odsutan, student prodekan Amar Mustafić-opravdano odsutan.

Ostali (obaviješteni putem e-maila): Aldijana Bilajac, dipl. iur., stručni saradnik za pravne i administrativne poslove.

Sjednica je započela u 14:00 sati.

Sjednicom je predsjedavao prof.dr Ahmet Lojo, dekan Univerziteta u Sarajevu-Šumarskog fakulteta, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Vijeća fakulteta dostavljen putem e-maila poziv za održavanje XVII. redovne sjednice zakazane za četvrtak 31. august. 2023. godine.

Sa Dnevnog reda je povučena tačka razmatranja i usvajanja Dinamičkog plana potreba za raspisivanje konkursa za izbor u zvanje na Univerzitetu u Sarajevu-Šumarskom fakultetu za 2023-2024. godinu, te je jednoglasno izglasan i razmatran sljedeći

DNEVNI RED

1. Usvajanje Zapisnika sa XVI. redovne sjednice Vijeća Univerziteta u Sarajevu-Šumarskog fakulteta održane dana 28.07.2023.godine sa početkom u 11:00 sati.
2. Razmatranje Izvještaja Komisije za pripremanje prijedloga za izbor vanrednog profesora na predmetima: Projektovanje urbanog zelenila, Parkovska baština, Historija pejzažne arhitekture, Osnove projektovanja urbanog zelenila, Vrtni i parkovski mobilijar i Kamenjare u hortikulturi, broj: 01/1-2565/23 od 31.07.2023. godine.
3. Razmatranje Inicijative za pokretanje procedure za izbor u zvanje viši asistent na oblasti: "Uređivanje šuma i urbanog zelenila", broj: 01/1-2620/23 od 29.08.2023. godine.
4. Razmatranje Izvještaja o radu uredništva broj: 01/1-2492/23 od 25.07.2023. godine.

5. Razmatranje Molbe studenta Adnana Sofića za prebacivanje sa odsijeka Hortikultura na odsijek Šumarstvo broj:01/1-2607/23 od 28.08.2023. godine, te preporuke Komisije za nastavu broj: 01/1-2646/23 od 31.08.2023. godine.
6. Informacije.

TOK SJEDNICE:

Ad-1.

Članovi Vijeća Univerziteta u Sarajevu-Šumarskog fakulteta usvojili su jednoglasno Zapisnik sa XVI. redovne sjednice Vijeća Univerziteta u Sarajevu-Šumarskog fakulteta od 28.07.2023. godine.

Ad-2.

Na osnovu člana 96. stav (1) tačka e), 109 stav (1) i (3), 119. stav (1) i 135. stav (3) tačka a) Zakona o visokom obrazovanju ("Službene novine Kantona Sarajevo", broj: 33/17, 35/20 i 40/20 i 39/21) i Izvještaja Komisije za pripremanje prijedloga izbora broj: 01/1-2565/23 od 31.07.2023. godine, a u odnosu na član 176. Zakona o visokom obrazovanju ("Službene novine Kantona Sarajevo", broj 36/22) Vijeće Univerzitet u Sarajevu-Šumarskog fakulteta na svojoj XVII. redovnoj sjednici održanoj 31.08.2023.godine, jednoglasno je donijelo prijedlog sljedeće:

O D L U K E

o izboru

I

Dr. sc. Dine Hadžidervišagić, vanrednog profesor na Univerzitetu u Sarajevu-Šumarskom fakultetu na predmetima: Projektovanje urbanog zelenila, Parkovska baština, Historija pejzažne arhitekture, Osnove projektovanja urbanog zelenila, Vrtni i parkovski mobilijar i Kamenjare u hortikulturi u radni odnos sa punim radnim vremenom.

II

Izbor nastavnika u zvanje vanrednog profesora vrši se na period od 6 (šest) godina, počevši od dana donošenja odluke o izboru.

III

Prijedlog Odluke o izboru se dostavlja Senatu Univerziteta u Sarajevu na odlučivanje.

Obrazloženje

Na javni konkurs objavljen 07.06.2023.godine, u dnevnom listu "Avaz roto press" i na web stranici Univerziteta u Sarajevu i Šumarskog fakulteta, za izbor jednog izvršioca u izbor nastavnika u zvanje vanrednog profesora na predmetima: Projektovanje urbanog zelenila, Parkovska baština, Historija pejzažne arhitekture, Osnove projektovanja urbanog zelenila, Vrtni i parkovski mobilijar i Kamenjare u hortikulturi. U određenom roku prijavio se jedan kandidat, i to: dr. sc. Dino Hadžidervišagić, doktor biotehničkih nauka/znanosti u oblasti šumarstva, za izbor nastavnika u zvanje vanrednog profesora.

Komisija za pripremanje prijedloga za izbor u zvanje vanrednog profesora na predmetima: Projektovanje urbanog zelenila, Parkovska baština, Historija pejzažne arhitekture, Osnove projektovanja urbanog zelenila, Vrtni i parkovski mobilijar i Kamenjare u hortikulturi, imenovana Odlukom Vijeća Univerziteta u Sarajevu-Šumarskog fakulteta broj: 01/6-2269/23 od dana 06.07.2023.godine (u sastavu: dr. sc. Jasna Avdić, predsjednica Komisije, dr. sc.

Nevena Vasiljević, članica, dr. sc. Neđad Bašić, član), razmatrala je pristiglu prijavu na konkurs te podnijela Vijeću Univerziteta u Sarajevu-Šumarskog fakulteta izvještaj broj: 01/1-2565/23 od 31.07.2023.godine sa prijedlogom da se kandidat dr. sc. Dino Hadžidervišagić, doktor biotehničkih nauka/znanosti u oblasti šumarstva, izabere u zvanje vanrednog profesora u radni odnos sa punim radnim vremenom.

Vijeće Univerziteta u Sarajevu-Šumarskog fakulteta jednoglasno je usvojilo Izvještaj Komisije za pripremanje prijedloga za izbor broj: 01/1-2565/23 od dana 31.07.2023.godine i utvrdilo prijedlog odluke da se kandidat dr. sc. Dino Hadžidervišagić, doktor biotehničkih nauka/znanosti u oblasti šumarstva, izabere u zvanje vanrednog profesora na predmetima: Projektovanje urbanog zelenila, Parkovska baština, Historija pejzažne arhitekture, Osnove projektovanja urbanog zelenila, Vrtni i parkovski mobilijar i Kamenjare u hortikulturi, u radni odnos sa punim radnim vremenom.

Na osnovu naprijed izloženog, Vijeće Univerziteta u Sarajevu-Šumarskog fakulteta jednoglasno je utvrdilo prijedlog kao u dispozitivu.

Prijedlog odluke se dostavlja Senatu Univerziteta u Sarajevu na odlučivanje.

Ad-3.

Na osnovu člana 121. Zakona o visokom obrazovanju "Službene novine Kantona Sarajevo" broj:36/22), i čl. 233. Statuta Univerziteta u Sarajevu, broj: 01-14-35-1/23 od 26.07.2023. godine, u skladu sa Odlukom o usvajanju dinamičkog plana za raspisivanje konkursa broj: 01/6-2260/23 od dana 06.07.2023. godine, Vijeće Univerziteta u Sarajevu-Šumarskog fakulteta, na svojoj XVII. redovnoj sjednici održanoj 31.08.2023. godine je donijelo sljedeću

ODLUKU

I

Utvrđuje se prijedlog odluke o raspisivanju konkursa za izbor:

- 1) Nastavnika u zvanje višeg asistenta na oblast "*Uređivanje šuma i urbanog zelenila*".

II

Prijedlog Odluke dostavlja se Senatu Univerziteta na dalji postupak.

Obrazloženje

Pokreće se procedura raspisivanja konkursa za izbor nastavnika u zvanje višeg asistenta na oblast: „Uređivanje šuma i urbanog zelenila“. S obzirom da asistentu izabranom na pomenutu oblast ističe izborni period, u skladu sa članom 121. Zakona o visokom obrazovanju ("Službene novine Kantona Sarajevo" broj: 36/22), konkurs za izbor člana akademskog osoblja potrebno je raspisati najkasnije 4 mjeseca prije isteka izbornog perioda postojećeg člana akademskog osoblja, a najranije 6 mjeseci i što se neće smatrati prijevremenim izborom.

Vijeće procjenjuje da se inicijativa za raspisivanje konkursa temelji na zakonskoj obavezi, te se na osnovu izloženog donosi odluka kako stoji u dispozitivu.

Ad-4.

Na osnovu člana 111. Statuta Univerziteta u Sarajevu broj: 01-14-35-1/23 od 26.07.2023. godine, kao i člana 9, Pravilnika o radu uredništva i redakcije časopisa "Radovi Šumarskog fakulteta Univerziteta u Sarajevu" Vijeće Univerziteta u Sarajevu-Šumarskog fakulteta, na svojoj XVII. redovnoj sjednici održanoj 31.08.2023. godine, donijelo je jednoglasno *s l j e d e ć u*

ODLUKU

I

O usvajanju Izvještaja urednika časopisa “Radovi Šumarskog fakulteta Univerziteta u Sarajevu”.

II

Ovom Odlukom usvaja se Izvještaj doc.dr. Admira Avdagića, glavnog i odgovornog urednika časopisa “Radovi Šumarskog fakulteta Univerziteta u Sarajevu”.

III

Izvještaj je sastavni dio Odluke.

Ad-5.

Na osnovu člana 69. Zakona o visokom obrazovanju (“Sl. novine Kantona Sarajevo”, br. 36/22), člana 111. Statuta Univerziteta u Sarajevu broj: 01-14-35-1/23 od 26.07.2023. godine, Vijeće Univerziteta u Sarajevu-Šumarskog fakulteta, na svojoj XVII. redovnoj sjednici održanoj 31.08.2023. godine, donijelo je jednoglasno *sljedeću*

ODLUKU

I

Prihvata se molba studenta Adnana Sofića za promjenu odsjeka studija, odnosno prelazak sa odsjeka Hortikulture na odsjek Šumarstvo, ista molba je evidentirana pod brojem: 01/1-2607/23 od 28.08.2023. godine.

II

Adnan Sofić je student I godine I ciklusa studija odsjeka Hortikulture koji je tek upisao navodeći pogrešno izabrani smijer.

III

Ova Odluka stupa na snagu danom donošenja.

Ad-6.

Dekan je upoznao prisutne članove Vijeća fakulteta da su na fakultetu provedeni i postavljeni protivprovalni i protivpožarni alarmi, te da nam slijedi provođenje postupka javnih nabavki za angažman agencije.

Sa prof. dr Fatimom Pustahijom i prof.dr Almom Hajrudinović-Bogunić kao profesoricama čiji su projekti prošli, dogovoren je način postupanja u njihovoj realizaciji, a obzirom na kratke rokove u kojima se novčana sredstva povlače a isti moraju biti realizovani preko javnih nabavki. Dogovoreno je da se administrativni dio posla u smislu Izmjene i dopune Plana javnih nabavki završi ranije kako bi se sama procedura pokrenula odmah čim legnu novčana sredstva.

Sredstva od multidisciplinarnog projekta čiji je voditelj prof.dr Sead Vojniković, kao i drugog iz koje se planira finansiranje Konferencije biće uplaćena tako da će biti obezbijedena sredstva za realizaciju iste na vrijeme, a koja je planirana za početak decembra. Zbog navedene Konferencije šefovi katedri se trebaju sastati kako bi napravili preglednik radova.

Dekan je takođe rekao da bi bilo dobro organizovati i sastaviti jedan tim za fudbalsku utakmicu povodom Šumarijade koja se organizuje od 08.-10. septembra. Pozvani smo i na ekskurziju preko UŠIT-a od


strane Hrvatskog šumskog društva od 09.-11. oktobra. Zadnji dan za prijavu je 31.08.2023. godine, a obavještenje o istom će prof. dr Besim Balić poslati svim članovima po završetku Vijeća fakulteta.

Prisutni su upoznati sa izmjenama u novom Statutu Univerziteta u Sarajevu povodom imenovanja članova Vijeća fakulteta iz reda asistenata, viših asistenata, studenata, te stručnog nenastavnog osoblja, a kako bi dostavili svoje prijedloge.

Redovna sjednica je završena 31.08.2023. godine u 14:40 h.

Dekan


Prof. dr. Ahmet Lojo



Zapisničar:


Aldijana Bilajac, dipl. iur., Stručni saradnik za pravne i administrativne poslove